

李文忠公全集

朋僚函稿

五六

平定公全集

卷之四

七

李文忠公朋僚函稿

卷之九目錄

復馬穀山制軍

同治八年正月十八日

復劉韞齋中丞

同治八年正月三十日

上曾相

同治八年二月十七日

復馬穀山制軍

同治八年二月十八日

復郭筠僊中丞

同治八年二月二十日

復沈經笙樞密

同治八年三月初九日

復知白齋

同治八年三月初十日

復左爵帥

同治八年三月二十四日

復馬穀山制軍

同治八年四月初一日

復曾相

同治八年四月初十日

復劉韞齋中丞

同治八年四月二十四日

復丁稚璜宮保

同治八年四月二十五日

復朱修伯光祿

同治八年四月二十五日

復知白齋

同治八年四月二十八日

復馬穀山制軍

同治八年四月二十九日

復曾沅浦宮保

同治八年五月十六日

復馬穀山制軍

同治八年五月二十一日

復曾相

同治八年六月初三日

復馬穀山制軍

同治八年六月初四日

致劉省三軍門

同治八年六月初六日

致知白齋

同治八年六月初七日

復李黼堂方伯

同治八年六月十九日

復馬穀山制軍

同治八年六月二十二日

上曾相

同治八年七月初三日

復劉省三軍門

同治八年七月初三日

復張香濤學使

同治八年七月初三日

復何子永中翰

同治八年七月初三日

復王夔石方伯

同治八年七月十九日

復李次青廉訪

同治八年七月二十五日

復李雨亭中丞

同治八年七月二十五日

復曾相

同治八年七月二十六日

復馬穀山制軍

同治八年十月初五日

復余紫垣觀察

同治八年十一月初九日

復鄭圃香觀察

同治八年十一月初九日

復涂朗仙觀察

同治八年十一月初九日

復崇樸山都統吳仲僊制軍

同治八年十一月十四日

復英西林中丞

同治八年十一月二十七日

復曾樞垣中丞

同治八年十二月初四日

復吳仲僊制軍

同治八年十二月初四日

復馬穀山制軍

同治九年正月初五日

上曾相

同治九年正月二十一日

復王夔石方伯

同治九年正月二十三日

復吳仲僊制軍

同治九年正月二十六日

復曾相

同治九年正月二十六日

復馬穀山制軍

同治九年正月三十日

致馬穀山制軍

同治九年二月初五日

復知白齋

同治九年二月初九日

復袁筱午學士

同治九年二月初十日

復英西林宮保

同治九年二月二十六日

復曾相

同治九年二月二十八日

復丁稚璜宮保

同治九年二月二十八日

致李雨亭中丞

同治九年三月初二日

復馬穀山制軍

同治九年三月初十日

復吳仲僊制軍

同治九年三月十二日

上曾相

同治九年三月十二日

復英西林宮保

同治九年三月十七日

復馬穀山制軍

同治九年三月二十三日

致李雨亭中丞

同治九年三月二十八日

致王補帆方伯

同治九年三月三十日

李文忠公朋僚函稿卷九

全集二之九

復馬穀山制軍

同治八年正月十八日

桐城吳汝綸編錄

弟於初十日奉母登舟十六日抵鄂現定於十九日接篆素乏吏才人地生疏不知從何下手湘帥將長江額餉推至湖北此聞上下譁然頃據司道會詳協餉多寡無定礙難劃抵等語聞小宋已咨復湘中空文往還徒滋謬誤湘鹽局應解江者月不過數千金若能改撥長江藉抵湘餉與侯相續議湘局六萬有盈無絀雖經執事咨准協湘在前惟長江餉政初由曾彭二公創議我公爲曾相替人實爲五省之主盟湘鹽局應由台端主政以協湘者改抵湘餉亦復理順情通擬請卓裁飭遵或挈敝銜咨行歸標在卽似不宜遲北鹽道劉子城甫經莅任於南中水師情形太生祈屬龐

省山隨時知照預籌妥辦爲幸弟近來火氣退淨不敢與同事牴  
牾且初到任卽與同館同寅決裂或又怪盛氣陵人至決裂而彼  
猶推諉其奈之何公定能鑒此苦衷也侯相數千里外徒慮長江  
事宜未安不知目前卽空十六萬鉅餉遑恤其後耶鄂中官民僉  
以堵截川鹽爲不然弟與兩江本不分家豈有不爲盡力之理一  
傳眾咻四顧躊躇祇可從緩設法尙齋議及派銷一層尙恐有唱  
無和容稍暇將本省進出款目大數核明再行商擇指歸乞勿汲  
汲雨生聞有退志確否永翁若移滬局自較他人爲強然雨生稱  
其德行未聞重其辦釐之才弟卽函商未必卽准相去逾遠此等  
用舍大政不應干預仍請就近函商究亦聽渠之自爲裁奪耳琴  
軒回江後尙未議及西征小軒實不欲往助俟琴軒來鄂當再妥  
議惟聞侯相瀕行面屬小軒候調如調慶軍入直必令銘軍回江

省三辭官卸軍雙管齊下聞日內將來鄂正恐苦勸不起侯相在京未知如何籌議陝匪未經北竄或少鬆緩慶軍移駐臺莊灘上舊邳州一帶方爲扼要鼎軍尙紮韓莊偏在東境無甚關係弟向於防勦機宜皆令諸將酌擇自陳而後定斷不輕信局外及無識文員謀議公驅遣敝部或可參用是法耶心泉交卸擬卽北上併案引對似尙不至廢棄侯相欲調陳錢蓄意已久似不肯再調心泉便中當以尊旨略陳作翁無志爲官調甫亦難踴躍後路糧臺似非作翁不辦無已則併支應郭道入臺也竹莊爲桂守一事頗懷耿耿謂並無奏効之心而量移太速轉疑簸弄嗣後遇此等事公儘可開誠布告彼必將順無迹凡署護撫篆之人最怕欺壓其實尊意但出於憐才弟在皖談次曾力爲剖白渠諄懇代陳肝膽諒可大而化之矣嗣後凡有牽涉兵餉二事仍互相咨照爲幸

復劉韞齋中丞

同治八年正月三十日

長江水師餉需五省各十六萬雖未具奏曾侯相彭侍郎久已會  
咨定案且原奏章程經部核准內有每省酌留一釐卡數亦相等  
茲侯相交卸北去雪帥亦奏明離營各船已拆散歸標一省不出  
全局立散前准大咨湘省應出十六萬擬令鄂中由協湘月餉內  
劃撥行據總局司道議覆以長江經制之餉與外省協撥之款應  
各歸各案辦理等因經郭何兩帥核覆在案侍去臘接曾相途次  
函稱湘省目前如不能全出或暫准通融請由藩庫籌撥六萬再  
於湘鹽督銷局酌撥若干以補不足俟黔事少定仍由湘全解以  
符初議已將此意緘商執事矣昨馬制軍來書湘鹽局解甯月不  
及二萬除每月提補老湘營欠餉一萬外其餘牽算不過七八千  
兩通年計之約八九萬不知能全數抵撥長江額餉否耶貴省出

全力以圖黔需餉甚巨積欠頗多固所略知惟長江額餉成議在先卽歲出十餘萬每月僅攤萬金或尙不至過窘侍甫蒞鄂任亟商裁遣鄂軍積欠二百餘萬一時竟無法騰挪協湘者惟力是視而湘中允定長江額款務求老前輩鼎力主持妥議籌撥俾曾彭諸帥之創制毋隳於我輩之游移感佩高義曷有旣極

上曾相

同治八年二月十七日

三月閒吾師酬應過煩鴻章行蹤靡定是以久未上書側聞龍光四接平勃交驩仲春履新百廢待舉勞瘁可知鴻章在皖度歲稟商家慈俯准迎養奉

旨飭催赴任遂於開篆日抵鄂接印旋值慈壽遠近僚友敦偪稱觴不得不謙客數日鄂事疊年習任因循弗振水陸五十餘營積欠二百餘萬仍沿湘軍舊例全數議補乃可裁撤入款則關稅丁

漕祇供京協及旗綠兵餉所撥濟軍需者每歲不過川釐百萬貨釐百萬耳刑肉醫瘡而勇未遽裁餉何能裕今驟籌遣資竟無以應奉派協陝甘等處緊餉羽檄交催實屬萬難措手約須一年以後方可周轉焦灼曷任湘省應出長江水師額款初欲諉之於鄂經師門緘屬韞帥鴻章到鄂後又諄函商懇昨接復書始有減撥之意但未肯如尊悃通融至十二萬再減則現餉無著遑論其他至徐圖整頓變通事宜應俟歸汎後從容察酌作梅官輿頗淡屢懇代辭昨讀調直明文擬卸糧臺後束裝一往調甫轉運局三四月間可撤本欲請其來鄂助理適聞

新命秋後當可赴召省三疊經勸勉無意北行昨輕舟到鄂面求開缺養病鴻章令赴台端再商彼謂一去不可復回曉曉不已不料其堅執高蹈如是比已肩輿回廬矣此事久塵

聖念此人又太不羈可否念其苦戰一場曾立寸功放令還山劉盛藻督率防軍似尙不至僨事乞優容而教誨之申夫向不理於眾口蒞湘後初尙振作嗣因米捐煩重忽動公忿若無家丁翠喜在外招搖尙可自立次青芾堂子貞來函旣深嫉之京官與外間物議僉抱不平鴻章同爲歐蘇門人先後同被薦舉本應爲親者諱其理與勢又不可以曲諱因先陳大略稍厭譏惡之口將來或可一奏了案伏祈鑒諒

復馬穀山制軍

同治八年二月十八日

湘省應出長江月餉前專函商懇韞帥昨來信稍爲活動照鈔附呈頃王夔石方伯赴任又諄屬之想不過於堅執彼旣飭局籌議敝處未便逕撥某款致嫌越俎能如侯相續議十萬或十二萬聊可敷衍目前俟一二年後再歸定章至鄂省協餉之款僅有湘鹽

鄂釐一項此外無可分潤鄂中丁漕關稅除發本省旗綠兵餉及酌提解陝儘數解京外絕無羨餘所可撥濟軍需者僅每年川釐百萬貨釐百萬淮鹽釐十數萬耳鄂軍水陸未撤者尙六十餘營積欠二百餘萬每撤數營需銀十餘萬湘軍積習牢不可破釐款陸續收繳隨收隨放弟昨飭催撤營而庫內無三萬之積司道請借洋債十萬利一分數釐其窘可知向定解西軍左營每月二萬劉營一萬穆營二萬陝餉尙能勉強解穆軍常有挂欠茲奉部議月添四萬不知何從措手鄙意俟鄂軍次第裁定或分所餘以供調鄂之淮軍今陝餉太鉅數月後尙難籌撥遑及其他若尊意必令堵截川私無論鄂局不支恐川堵釐裁私鹽仍復暢行有損於鄂而無益於淮也蓋宜昌以上灘河溜急下水船日數百里不能停橈待查沿途夾帶闖關巡緝徒爲具文重抽釐而川鹽仍多更輕

成本商販能不競趨耶家兄函稱侯相初未體察及此向辦督銷大員從未深訪荆宜一帶情形今昔時勢不同況昔日未抽川釐時實已徧地川私也弟斷不肯盡翻侯相之案惟細察鄂餉出入大數川淮順逆情形其勢驟難遵辦連日與尙齋並此間司道悉心籌商尙齋欲於沙市設局派銷淮鹽三分司道與宜局委員斷斷力持不可謂仍有名無實不若暫派銷二分逐漸試行且請每引於應解鄂釐外暫將解金陵之二兩六錢餘儘數借濟鄂餉稍補川釐之不足則鄂省上下必樂爲用力籌辦可否蒙俞允弟卽挈銜札行鄂局司道督銷局詳議具覆如卓裁必不謂然此間餉事民情弟雖欲左袒兩江亦不能破羣喙而孤行壹是乞鑒原作梅已請派員接辦糧臺心泉銳志北行暫不可留姑令郭道將支應所歸併接辦俟心泉回江或另有能手再行遴委雨生聞已交